



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**De Bonis Operibus Docto. Martini Lutheri Liber**

**Luther, Martin**

**Vuittemberge, 1521**

**VD16 L 7151**

Decimoqvinto.

**urn:nbn:de:hbz:466:1-33333**

quasi vera essent opera, omiſſa interim fide, quam ſemper circa  
hæc docere debuiffent. Non ſecus atq; mater puero iuxta lac, &  
reliquos ingerit cibos, donec puer ipſe per ſe cibos robuſtiores  
comelle poſſit.

### DECIMOQ VINTO.

Infirmi tole-  
randi.

¶ Cæterum, quum oēs non ſumus pares & conſimiles, oportet id genus homines a nobis tolerari, & perferri, eiq; obſeruare & portare quæ ipſi obſeruant & portant. Neq; eos contemnere, ſed veram fidei viam docere. Sicur S. Paulus ad Ro. 14. docet. Infirmum in fide ſuſcipite ad inſtruendum. Quod & ipſe fecit. i. ad Cor. 9. Et factus ſum Iudeis tanq; Iudeus, vt Iudeos lucrarem his qui ſub lege ſunt quaſi ſub lege eſſem, cum ipſe non eſſem ſub lege, vt eos qui ſub lege erant lucrificarem. Et Chriſtus Mat. 17. daturus tributum, quod tamen non debebat, diſputauit cū S. Petro: deberent ne filij regum tributum, an vero dumtaxat re liquorum hominum filij. Reſpondente igitur Petro, tantū aliorum hominū filios idipſum debere: ait Chriſtus. Ergo filij ſunt liberi, vt autem non ſcandalizemus eos, vade ad mare, & mitte hamum, & cum piſcē qui primus aſcenderit, tolle, & aperto ore eius inuenies ſtatorem, illum ſumens da eis pro me & te. Hic videmus vt omnia opera, ſic cunctas res Chriſtiano eſſe liberæ, ꝑ ſuam fidem, & ab eo tamen cum incredulis & ferri & obſeruari id quod non debeat. Id autem facit ex libertate, vt certus & nihil addubitans ſic deo placere. Idq; libenter facit, ſuſcipiens vt aliud opus libere, quod ſine ipſius electione & propoſito in manu eius incidit. Vt qui hic tantum cupiat, & nihil aliud requirat, quā quemadmodum in fide ſua ita operetur, vt deo placeat. Verum quū propoſuimus in hoc ſermone docere, quænam vere bona ſint opera, & nunc loquimur de ſummo omniſi opere, maniſeſtum eſt nos nō de ſecundis, terijs, aut quartis hominibus, ſed de primis loqui, quibus necesse eſt omnes alios conſimiles fieri, & interim a primis doceri & perferri. Itaq; eiufmodi infirmæ fidei homines, parati benefacere, & meliora addiſcere, & tamē im prudentiores quam vt capere & intelligere poſſint, in eorum ceſſationijs non ſunt contemnendi, ſi credant, de ſe actum eſſe. Ergo accuſent eorum indoctos cæcorū doctores, qui eos fidem nūc q̄ docuerunt, ſed tam proſunde in opera traxerunt. Igitur clementer & paulatim educendi ſunt ex operibus in fidem, nō alit atq; cum ægroto fit, & permittendi aliquibus operibus aliquā diu propter ipſorum conſcientiam adherere, atq; ducendi & egredi ad ſalutē

ad salutem, donec fidem recte amplectantur. Ne nobis conantibus eos tam seueriter & acriter extrahere ex operibus, eorum conscientia confirmata & cōuulsa erret & diuagetur incerta, neq; fidē, neq; opera retinens. Sed durę ceruicis homines, in operibus pertinaciter obstupefacti, relinquendi sunt, vt cœcus cœcum ducat, sicut & Christus docuit & fecit.

### DECIMOSEXTO.

¶ Ceterū dixeris, quō mihi certo persuadeam, omnia mea opera deo placere, inter dū nimium loquens, comedens, bibēs, dormiens, vel alioquin a recto discedens, quod mihi vitare sit impossibile. Respondeo. At ista interrogatio arguit, abs te fidem adhuc non aliter quā reliqua haberi opera, neq; super omnia cætera existimari opera. Neq; em̄ alio nomine fides est summum opus, nisi quod permanet extingūēs venialia & quotidiana peccata, quia credis deū tibi fauere, & ad eiusmodi casus & defectus quotidianos conuiuere. Quin etiā si casus mortalis fiat (id quod tamē in fide & fiducia erga deū viuētib; vel raro, vel nunquā euenit) resurgit tamē fides, neq; dubitat, peccata sua modo abolita esse. Vt est. 1. Iohan. 2. Filioli mei, hæc scribo vobis, vt non peccetis. Sed & si quis peccauerit, aduocatū habemus apud patrē Iesum Christū iustū. Et ipse est ppitiatio pro peccatis nostris, nō pro nostris autē tm̄, sed etiam pro totius mundi. Et Sap. 15. Si peccauerimus tui sumus, scientes magnitudinem tuam. Et puer. 24. Septies in die cader iustus, & resurget. Immo hanc fidem & fiduciam oportet tam sublimem & fortem esse, vt sciat homo omnē eius & vitam & actionem nihil aliud nisi damnabilia esse pētā in dei iudicio. Vt scribitur psal. 142. Non iustificabitur in conspectu tuo omnis viuens. Quin potius desperandum est adeo in nostris operibus, vt credamus non posse bona esse, nisi per hanc fidem, nullum iudiciū, sed puram gratiam, fauorem, beneuolentiam, mansuetudinem, & misericordiam sibi a deo persuadens, vt est psal. 25. Misericordia tua ante oculos meos est, & cōplacui in veritate tua. Et psal. 4. Signatum est super nos lumen vultus tui domine (hoc est agnitio tuę gratię per fidem) & per hoc distulisti letitiam in corde meo. Nam sicut credis & confidis, ita tibi fiet. Ecce sic ex misericordia & gratia dei, non ex sua natura sunt opera sine culpa inania & frustranea. Sed propter fidem, eadem misericordia nitentē, bona sunt. Ita oportet nos ppē opa timere, sed propter dei misericordiam consolari. Vt scribitur psal. 146. Beneplacitū est domino super timentes eum, & in eis qui sperant

Fidei vsus in  
quodidianis  
opib; imo  
etiā in peccatis.